



O' tortano. Una visita di cortesia.



Tutt'e quatt assettate 'nnanz 'o forno.....e se parla de' canzone, facimmo o' cafè.....nu bicchierino....e taralle....o' casatiello!!!!

Mmmh...che addore!!!!

N'occhio guarda adderitto.....e nat'occhio dint' o forno.

O penziero è fisso....Eh, si....addore ce stà.....

" E guagliune so crisciute.....e nnamurate,.....mò vene Pietro e porta à 'nzalata cu st'Università!

Io stongo e lato, e si m'avoto pare brutto, pare ca cu ll'uocchie mo voglio mangià

....ma tu, guardo e penzo....staje lloc 'nnanze....dimme....ce sta qualche speranza?

E' fatto, ci siamo.

'A padrona se sosse, (e mò l'adda caccia pe fforza.....ma vuò vedè ca s'adda regalà?)

Adrenalina all'ultimo stadio.....è gruosso quant'nu catino.....addora e tutte cose...e addora e devozione

ca, si nun ce sta, ma dimme a 'mme, che c'o magnamme a fà?

Ma l'ova 'mmieze...me pare ca so quatt....ma nun e veco...se saranno affugate...

"Piglia 'o panno, 'o ruoto coce,....acchiappa ccà.....piglia 'llà... Un tonfo deciso ed un rumore sordo.

Nisciuno parla. -che se fà?

Addore saglie e io me sent e perd'e sense! Nu pezzullo e salame è schizzato 'ncoppa a seggia...mmmh...che goduria!!!!!!

Nu poco e bordo...cchiù arruscato...miette 'ccà! L'uovo. Intatto. Velocissimi si passa all'azione:"Piglia nu cupierchio.....

uno, due, tre...gira!!! Salvo!

'O tortano, tutto sfreceniato, ma ancora fumante e sapurito ce guarda e dice..." Chi me vò bbene e m'ha visto e crescere m'ha salvato ...a bbotta è stata forte,....ma non ho perso la saggezza.....

la forma non conta.....è dinto all'anema ca ce sta 'a bellezza!!!!!!

Lucia Acunzo

